



Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

152 Clerici in duobus casibus pro criminibus per exequutores laicos capi,
& carcerari possunt.

urn:nbn:de:hbz:466:1-10316

conclusio procedit, & habet locum, tam
in causis criminalibus, super quibus di-
ctum tribunal discolatus fuit erectum,
quam in civilibus, ut cap. qualiter, &
quando, eodem titul. de jud. Abb. post alios
dict. num. 6. & Azor. loco proximè citato, sub
littera B.

150 Dic̄ta autem † de consuetudine, quod
laicus contra clericos nullam possit tribue-
re jurisdictionem, procedant etiam in
prescriptione, quamvis tanti temporis
curso fuerit continuata, ut in contrarium
initij memoria non existat: quia laicus est
incapax juris, & potestatis spiritualis, quam
nullo tempore prescribere potest, cum il-
lam civiliter non valeat possidere, cap. cau-
samque, & ibi gloss. final. & Abb. num. 2.
de prescript. Joann. Andr. & alij in cap. 2. de
prab. in 6. & Azor. eodem cap. 12. sub vers.
quod verò.

151 Et † cum Bull. Cœn. Domini annis
singulis die Jovis majoris hebdomadæ,
omnes eidem Bullæ contravenientes ex-
communicentur solemniter per Papam,
anathemate horrendo, ut per S. Antonin.
in 2. par. 3. par. tit. 27. & 77. per iplam in
terrumpuntur, & impediuntur omnes
prescriptiones contra ecclesiastica jurisdictionem, ut inquit Felyn. in c. cum non
liceat, nu. 12. vers. quintā considera. & Azor.
qui ad contraria responderet sub dict. vers.
quod verò, & vers. que ad munieram, col-
lum. 7. & pro hac sententia optime faciunt
plura allegata per Olasch. in disputat. an
princ. christ. fas sit, nu. 11.

152 Excipiuntur † tamen duo casus, in qui-
bus clerici pro criminibus, per executores
laicos capi, & carcerali possunt. Primus
est, quandounque, & quacunque de cau-
sa clericus fori privilegio non gaudet,

quod tamen est ab Ordinario declaran-
dum, quo casu potest etiam processari, &
puniri, ut qui non incedunt in habitu, &
tonsurâ, nec sunt in factis ordinibus con-
stituti, aut beneficiati, concil. Trident. 6.
de reform. sc. 23. Talis enim quis præsumi-
tur, qualis in habitu reperitur, c. si judex
laicus, de sentent. excomm. in 6. Secus ta-
men, si habent ordines sacros, aut bene-
ficia ecclesiastica: quia tunc ob non dela-
tionem habitus privilegium clericale non
amittunt, sed ab Ordinariis pœnis juris
sunt plectendi. Secundus, si in fraganti
delicto capitali comprehendantur. Tunc
enim à ministris justitiae secularis, absque
tamen injuria, violentaque manus injectio-
ne, & clericalis ordinis dedecore, capi
poterit; non quidem (si gaudet privilegio
clericali,) ut per eos causa cognoscatur,
sed, ut si captus, cum primâ opportuni-
fieri poterit; ecclesiastico Judici tradatur
ut pro ratione delicti ab eodem puniatur,
ut per Abb. in c. cum non ab homine, nu. 5.
de jud. Navar. c. 27. nu. 83. & Sayr. eodem
lib. 3. c. 23. nu. 4.

153 Vigesimò, † in eandem excommu-
nicationis sententiam incidunt occupan-
tes bona, aut terras Ecclesie Romanae, vel
supremam jurisdictionem, quæ ad ecclesi-
am Romanam in illis spectat. Terræ ve-
rò, loca, & civitates, quæ sub dicto capite
comprehenduntur, sub alma U. bs., re-
gnum Siciliæ, insula Sardiniae, insula Cor-
sicæ, terre citra Pharam; patrimonium
Beati Petri in Thuseia, Ducatus Spoletanus,
Comitatus Venusinus, Comitatus
Sabinensis, Marchia Anconitana, Massa
Trebaria, Romandiola, Campania,
maritimæ Provinciæ, illarumque terræ, &
loca; terræ specialis commissionis Arnul-

V V 2 phorura: